

دارت مخصوصه

درسعادتده باب عالی جوارنده

محل اداره :

مستطابق

اخطار :

مسلكمزه موافق آثار جديده مع المنوييه
قبول اولنور
درج ايندنهين آثار اعاده اولنور

دينه، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و مشورده اسلاميه و بحث ايد و هفته ده بر نشر از انور.

آبونه بدلی

سنه لکی التي آيلتی

ممالك عثمانیه ايچون	۸۰	۴۰	غروش
روسیه	»	۳۰۵	روبله
سائر ممالك اجنبيه	۱۷	۹	فرانق

صاحب و مؤسساری :

ابوالعلا زين العابدين - ح . اشرف اديب

تاريخ تأسيسی

۱۰ تموز ۳۲۴

درسعادتده نسخه سی ۵۰ پاره در

قیراه دن مقوا بورو ايله کوندريليرسه سنوی
۲۰ غروش فضا آلتیر

خلاصه مالی :

خلقاً ونسباً ووصافاً من كل الوجوه ممتاز وهنوز مهد نازينده
ايكن بيله زمانك سائر اطفاله نسبتله سرافراز اولان بوغنجه
نوشكفته نبوتی احسان بیوران حضرت الله حمد وثنالر ایدرم .
بيت مكرم و ارکان معظمه برکاتيله هر خصوصى حفظ التهيده
اولسى ایچون اول واهب الاله النجا ایلرم .

بونجل نجیب محترمی اطفال سائرتهك فوقده وکالاً مراتب
علویه مظهریتنه دلالت ایدر آیات بینات کوریورم . بناءً علیه
متلون الافکار اولان اهل حسودك حقد وحسدندن امین قلمسنى تمی
وازیسنده جناب حقتك لطفنه صیغیریم .

حضرت عبدالمطلب بعده مخلوقات التهيدهك اك خير لیسى اولان
اونوزاد مفضی کمال تعظیم ایله کتیروب والده مکرمه سنه تسلیم ایتدی .
صوك درجه ده اعتنای مخصوص ایله باقسنى شدیداً توصیه و اخطار
ایلدی . قربانلر کسدى بر موجب الهام ربانى اسم شریفنى (محمد)
تسمیه ایتدی . صلى الله تعالى علیه وسلم .

مشاهددر رخ اشاده نورك يارسول الله
هوا نور موفور السرورك يا رسول الله
مظاهر مظهر لولاك وارسالنا كدر الحق
ظهور كدن ظهور ایتدی ظهورك يارسول الله

حسین و صاف



مصاحبه

— ینه شاعر لنیورسین .. نه ديدك ؟ ملت می ؟
سكا آ کلاتسهم اکر شیمدی دوشوندکاری می ،
ابدیاً بوخیالاته ایدرسین ده وداع ،
قالقار آرائق آره مزدن بوتون اسباب نزاع .
خسته جانلاندی ، او ایش بیتدی ، دیورسین .. هیات ،
اوله ماز بویه سفیل امت ایچون حق حیات !
طوبولان نغمه حریت اونك صوك نفسی ...
یاشاماز یوقسه امین اول که بوباربار چته سی
مدنی آوروپانك دامن عرفانده .
آسیانك بلکه او قوملق عربستانده ،
لاشه حالنده کی بر دولته مدفن بولونور ...
— وارسه دنیاده سیاست اوده حقا که بودر !
غلادیستون متوفی بيله ایلر تحسین !
سن اونك یوقسه بکم نسخه ثانیه میسین ؟
چونکه قلبنده بوتون نطق حکیمانه کزک .
روح یزازی تپنمکده او قارت انکلیزک !

— کیم نه ایسترسه دیسین .. بن په سیمیسیم موشر !
— اوبتیمیسیت اول دیمدك بزده یا .. لکن بن اکر
شیمدی قالقارده نیچون ملتک آتیسندن
بوسبوتون قطع امیدایتلی دیرسهم .. بنی سن
هانکی معقول دلیلکله ایدرسین اقناع ؟
سزه ظنم دوشیور شیمدی « خیالاته وداع ! »
خبرک وارسه اکر مملکتک حالندن ،
نا امید اولمایه جقسین اونك اقبالندن :
نه یورکدر قاباران سیننه ملتیده !

اونی برکره ایشیت ، صوکره کلوب اولمش ، ده .
اوگدن اولادینی عسکر یاییور ، کوندیریور ؟
آرقه دن تارلا ، اوکوز باقایه رق هپ ویریور .
کمی آلسین بزه ملت ، دییه ... یا هو اوتانک ،
جود معصومنی کوردکجه بوواکسوز وطنک !
په سیمیزمک یره بانسین ! اوکا حقت واری ؟
صانکه ییلارجه چالیشمش ده بوبیکس قومی
آدام ایتک ایچون ، آمالی بوتون محو اولمش ..
بونه جعلی هیجانلر ! بونه پهوده خروش !
طوغرو یول ایشته بودر ، کل ! دییه سن بر یوروده
او زمان باق نه قوشانلر کوره جکسین سوروده !
ملتک یوق دییوب انسانلغه استعدادی ،
براقک سزده بوتون سعی ، بوتون ارشادی ،
طاغیلوب هر کسک افکارینه بیکارجه سموم
طوغمه دن روح امل اولمه یه اولسون محکوم !
ایکی شیدر ویره جک ملکه حیات جاوید ،
اوده هیچ کوشه مین عزم ایله هیچ بیتمز امید .
یأس اجلدن دها صالغین ، اوکا یاقلاشایه برق ،
یاشامق ایسته یلم ، هم ابدیاً یاشامق .

محمد ماکف



انسانیت نهی استلزام ایدرسه اسلامیت اونی

امر و توصیه ایدر

اگر انسانیت حیات شخصیه واجتماعیه ده سعی وعملک وجوبی
اقتضا ایدیورسه اسلامیت « لیس للانسان الاماسی » دیه لسان عجز
بشرك و ارامایه جفنی بویوریورکه سعی وعمل ، ثروت مال علمنك
اك مهم قسمنی تشکیل ایدر .

اگر انسانیت اول بأول هر درلوترقی وتعالینك مبنی علیه اولان
علم ومعرفتك تحصیانی ایجاب ایدیورسه « وما خلقت الجن والانس
الا ليعبدون » آیت جلیله سی طریق مستقیمدن عبارت اولان عبادتی

مقتضى فطرتمز اولمق اوزره افاده ايدور كه عبادت ، بوتون علوم وفنونك منتهى اولديغى معرفة الله استناد ايدر . هر سوزى وحى الهى اولان پيغمبر من صلى الله عليه وسلم افنديمن حضرتلرينك « طلب العلم فريضة على كل مسلم ومسلمة » حديث عاليسى طلب علمك هر مسلم ورسلمه به مقدس بر فريضة اولديغى ناطقدرد . « فاسألوا... » آيت كريمه سى ايجانجه بيلمه ديكار مزى بيلنلردن صوروب اوكرنمكه مكلف ايز . حتى « اطالبا العلم ولو بالصين » امر نبويسى اقتضاسنجه جهانك اقطار بيلمه سنده قادار سير وسياحت اجراسيله « الحكمة غالة المؤمن اينما وجدها اخذها » حديث شريفنده حكمت ديه توسيم وقدر عاليسى تجيل بويورولمش اولان علم ومعرفتى كندى غائب اولمش مانز كيى نروده بولور سق آلوب حرزجان ايدوريز . شان عاليسنده « ان هذا القرآن يهدى لى هى احسن » بويورولمش اولان قرآن حكيم « وفوق كل ذى علم عليم » نظم جليلى ايله بزى مراتب علوم وفنونه برحد ونهايت اولمادىغنه ارشاد ايدور . نبى كريم افنديمزد « من استوى يومه فهو مغبون » حديث شريفى ابتغاسنجه استعداد كال ايله مفطور اولديغى حالده ايكي كون بر سويده توقف ايله قطع مراتبدن كرى قالان بر كيمسه يى مغبون عد ايدوب مهددن لحده قادار تحصيل معارف وكالاته صرف مساعى ايله مهنسى امر وتوصيه بويورور . بوجته اهل اسلام مقامات ارتقا واعتلادن هيچ بر مقامده توقفه راضى وقانع اولماز .

مؤمنلر قارداشدر . عالم اسلامده هر كس مساوات كامله يه مالكدرد . بو مساواتك بر مستثناسى وار . اوده اتقيادر . بوحالده « ان اكرمكم عند الله اتقيكم » خطاب عزتته مخاطب اولان اولوالالباب عند الهيدده اعز واكرم اولمق اشتياقيه نه شينه عزيمت ونه شيدن اتقا ايدده جكنى بيلمك ايجون ناصل اولورده اكتساب معارف وكالاته ساعى اولماز ؟ چونكه انسانى حسناته ترغيب ، سيئاتدن تحذير ايدده جك بر قوت وارسه اوده (علم) در . انسان نه قادار عالم اولورسه اوقادار الهيدن قورقار . نته كيم علوم اولين و آخري ذات سامى رسالتپناهيلرنده ختم اولمش اولان محرم حريم الهى افنديمن « انا اعلمكم بالله واشدكم خشية » بويورمشدر .

جناب حق جتده آيك اون دوردى كى كوره جكنه معتقد اولان اهل ايمان « من كان فى هذا الاعمى فهو فى الآخرة اعمى » تهديدينه معروض اولورده « سنبهم آياتنا فى الآفاق وفى انفسهم » دعوتنه اجابت ايجون علم محيط سبحانينك بر صورت بديمه سى اولان آفاق وانفسده تجلى ايدن آثار وآيات قدرتى نظر حيرتله تماشايه قابل بر چشم عبرت ايله مجهز اولمق ايجون بوتون فنون متداوله يى احتوا ايدن هيئت وتشريح علملرينى اوكرنمى ؟ منبع فيض لايزالى امام محمد الفزالى حضرتلرى (من لم يعرف الهيئة والتشريح فهو غني فى معرفة الله) بويورمش ؛ هيئت وتشريح بيلمه ين كيمسه يى برنجى وظيفه من وبلكه مقتضى فطرتمز اولان معرفة الله خصوصنده غنين

منزله سنده قويمشدر . اويله يا ! هيئت بيلمه ين كيمسه بزي ظلمات بر وبحر ده سمت سلامت از شاد ايجون يدقدرتله سمايه بر نظام بديع اوزره سربيلمش وتقدير عزيز وعليم ايله مقدرات دوريه لرينى اجرا ايتكمده بولونمش ميلونلرجه مصابيح اجرامك او ، عقلك ماوراسنده اولان جسامتلرينى ناصل تقدير ايدده جك ؟ بونلرك ايجنده بر قوم دانه سى قادارده حكى اولمايان سياره ارضك ايجنده كندى ماهيت شخصيه سنك بر نقطه هندسيه كى عادتا هيچ اولديغى نرودن آ كلايوده قدرت بالغه سبحانيه يى ادراك ايله جك ؟ اوت ! نفسى بيلمه ين الهى ده بيلمز .

شانلرنده راسخون فى العلم بويوريان علمى اعلام حضراتى اسلاميت ، انبياء بنى اسرائيل مرتبه عياسنه چيقارمش ؛ نفسلرنده تربيه وتحصيله لزوم حس ايتدين خنفساى جهلايى ده « اولئك كالانعام بل هم اضل » مؤداسنجه بهائمن دها دون بر در كيه اينديرمشدر .

طينتنده هر كيمك اولماز ضمير معرفت

اولساده صورتده آدم فرقى يوق نساندن

مادامكه دين ودنيا مزدن عبارت اولان قرآن عظيم البرهان رطب ويابس هر شيشى محتويدر ، احكام ووصايسنه كسب اطلاع ايجون اهل ايقانه هر شيتك علمى اوكرنك ضرورى اولمازى ؟ حتى پيغمبر حكمتپور من افنديمن « هل ينفع القرآن الا بالعلم » بويورمش ، علم اولمايجه قرآنندن استفاده اولونامايه جفى خبر ويرمشدر .

[جمله عالم صورت وجانست علم] مدلول شريفنجه مادامكه فرشدن عرشه وارنجه قدر علوم وفنونك كيرمه ديكى ير يوقدر ؛ امور دنياك قوامنده كنديسندن استغنا حاصل ايدده يه جكمز نه قدر علوم ومعارف وارسه جمله سنك تحصيلى فرض اولور . از جمله طبابت كى كه بقاى حيات ايجون الزمدر ؛ شايد بر بلده اهاليسى طبييدن خالى اولورسه او بلده سكاني نفهلرينى هلاكه عرش ايتمش ، « ولا تلقوا بايدكم الى التهلكة » تنبيه سبحانيسنه مخالفت ايله مش اولاجقلىر جهته آثم اولورلر . ايشته حضرت الله بزم ايجون بويله (علم) ك دخی رهبرى بولونمش اولان اسلامى اختيار بويورمشدر : الحمد لله على دين الاسلام .

فقط حضرت مولينا من كل الوجوه اولينا افنديمرك :

زقوى كريكى بيداشى كرد

نه كورا منزلت ماند نه مهرا

بويوردقلىر وجه ايله ايجمزدن برينك التزام بيدانش وجهالى اك كوچوكمزدن اك بويوكمزه وارنجه يه قدر بوتون حيثيت ومنزلت مليه منرك انتقاسنى موجب اولور . نور اسلامى اطفا ايتك غيرت جاهليه سيله منكرينك حاشا (دين اسلام مانع ترقيدر) ديمه لرينه قدر وارديرر . بونلرك لهو الحديث اولمقدن ايلرى كچه مهن ياومه لرينه قارشى « ونزل من القرآن ما هو شفاء ورحمة للمؤمنين ولا يزيد الظالمين الا خسارا » دير كچهريز . ليكن دينى آكلامق تنزلنده بولونمايان

کنتم تحبون الله فاتبعوني يحببكم الله...» بلاغ بشارتیه مبشر اولان بر مؤمن موحد مرشد اعظمک اثر عالیه اقتفادن غیرى بر راه صفا بوله بیایمى؟

بر کیمسه قرآن عظیمک احکام جلیله سنه تبعیت، نبی کریمک نصایح و وصایای حکیمانه سنه توفیق حرکتیه امر الهی به تعظیم، جناب حقه هر خصوصه تفویض امور، حق و خلقدن اولان اماناته مراعات، وعد و عهدینه وفاء، اشنازه شفقت و مرحمت، بیگانه لره اراده خیر و دفع ضررله مروت، اولیا و اعدا هر کس حقه حقه اجرای عدالت و التزام حقانیت، کندینه فنانق ایدنلری عفو، نفسی لوم، هر کسه حسن ظن ایله باشقلرینی نفسنه تقدیم، ناس بینى تألیف و اصلاحه غیرت، قولاً و فعلاً عباد اللهک، عیال اللهک، کافه سنه حسن معامله ایله نصرت و معاونت ایدر؟ «لا اکره فی الدین» ایجابجه کیمسه نیک دینه، حریت و جدانیه سنه تجاوز ایتمز، خالفته معصیت عندنده - حکمذار اولسه ده - مخلوقه اطاعت ایله مزسه دین جهتیله او کیمسه دن احسن کیم اوله بیلور؟

«ولقد کرّمنا بنی آدم» تکریم الهیسیله ماهیتی ملکر دزدخی علوی بیان و مرتبه مدنیسی بومرتبه لره یوکسک اولان بر انسان کاملک وجودی جمعیت بشریه ایچون بر خیر محض اولمازمی؟

اگر انسانیت تحصیل ثروت ایله تأمین رفاهیت و سعادت ترویج ایدیورسه حج و زکات و بذل صدقات کی عبادات مالیه ثروت عمومیه مرکز ازدیادینه سبب دکل ده نه در؟ اهل اسلامی ثروتک مابه الحصول اولان تجارتیه تشویق و ترغیب ایچون «الکاسب حیدب الله» دن بویوک بر ارشاد اولورمی؟ انسانی دارینده سوادالوجه اولان فقر و احتیاجدن تحذیر ایچون «کادالفقر ان یكون کفراً» حدیث شریفدن داها مؤثر بر سوز سوبله نه بیلیرمی؟ هله «عبدک اکل ایده جکی شیلرک انک حلالی بو صنعتکارک کسب یدیر» مألّی تضمن ایدن حدیث شریف، دعا لرینک مقبولیتی حلال اقمه اکنه مشروط اولان اهل اسلامی فقر و احتیاجدن امانی مستلزم اولان صنایع علمیه به سلوک ایتدیروبده کد یمین و عرق جینلریله کسب ایده رک بکار کی کمال رفاهیت و سعادتله یاشمالرینی استلزام ایتزمی؟ شیمه حیاتی ایماندن جزء قیلان بر پیغمبر، بر کونلک نفقه سی اولان کیمسه به تسأل حرامدر دیرده او پیغمبرک امتی یوزینک حیوسنی دو کهرک ذل سؤالی ارتکاب ایده - بیلیرمی؟ جناب حق کندی کرم نامتناهیسنه بیله مغرور اولمقدن منع ایله دیکی حاله ناصل اولورده بر مسلمان «وابتغوا الی الوسیله» فرمان جلیلی تجیلاً تحصیل رزق و معیشت و سائله تشبث ایتمز؟ (وتوکل علی الله فهو حسبه) وعد کریمیه هر کسک رزقنه متکفل اولان خیر الرازقین ذوالقوة المتین حضرت لرینه متوکل بر مؤمن الی آچوبده الاهدن غیرینه عرض احتیاج ایتک تنزلنده بولونورمی؟ ارض و سمایی کندینه مسخر بیلن بر نسخه کبرای خلقت هیچ طبعک اسیری اولورمی؟ «نحن قسمنا بینهم معیشتهم» آیت کریمه سی نک ناطق اولدینی وجه ایله کلک قضانک بعضیلر مزى زنکین و بعضیلر مزى فقیر ایتک

غانلر مرکز حال لرینه ده آغلاریز. بونلر نه اولور بر کره اسلامیتک مبنی اولدینی اساسلری نظر اعتباره آلسه لر! عجب اسلامیتده عدل و حکمتیه مغایر بر عقیده بولا بیلیرلری؟ مسلمانلر اعتقادده بیله عدالتیه رعایت ایدرلر. زیرا نه تعدد الهیه قائل اولوبده افراط جهته کیدر، نه ده شئون و حوادثی عقل و شعور دن خالی اولان طبیعتیه اسناد ایله واجب الوجود حضرت لرینی انکار کی بر کر یوه ضلالتیه صاپارلر؛ آتیق جهت اقتصاده پرو اولارق «قل هو الله احد» سورة اخلاصنه بوتون موجودیت لریه ایمان ایدرلر که ایشته اصل عدالت ده بوندن عبارت دکلیدر؟

صلات که شان اقدس الوهیته الک لایق بر عبادت، خالق ایله مخلوق آراسنده مدار و صلندر؛ مسلمانلر بوسایه ده دائماً نظرگاه الهیه بولونقلرینی اونوتمازلر. «وهو معکم انما کنتم» سر معیتیه مطلع اولارق جناب حق کورور کی عبادت ایدرلر که اصل احسان ده خواجه کائنات علیه اکمل النجیات افندیمز حضرت لرینک بیلدیر دکاری وجه ایله بودر.

شرف مرد بچودست و کرامت بسجود

هر که این هر دو ندارد عدمش به زوجود

«الست برکم؟» خطاب لاهوتیسنه «بلی!» دیه جواب ویروب حقه بویون اکن بر مؤمن کامل «وان اعبدونی هذا صراط مستقیم» اراده صمدانیه سنه مخالفت ایدرده کندیسلیله معبودی آراسنه حائل اولاجق و کندیسنی ذکر اکبر اولان صلاتدن صد و منع ایده جک محرمات و منهیات ایله به بیلیرمی؟ حسنات و سیئاتی یازمق ایچون حفظه کرامی کندینه مؤکل بیان بر مسلم خیره مسارعت، شردن مجانبت ایتزمی؟ سمع و بصر و فؤاد هر بری ایشله دیکندن مسؤل اولاجغنی، بر کون کاوبده دفتر اعمالی اله ویریلوب کندیسنه «اقرا کتابک» دینیه جگنی ملاحظه ایدن، محکمه کبراده آغیز لرینه مهر سکوت وضعیله ایراد کلامدن منع ایدیلوب کرک خیر، کرک شر کسب ایتدیکاری عمل لرینی ال و ایاقلرینک فونوغراف کی لسانه کلهرک طاقیر طاقیر سوبله به جکلرینه اعتقاد ایدن کیمسه کنه ارتکابه جسارت ایده بیلیرمی؟ قرآن کریمده لغتله یاد ایدیان ظالم لره مذرت لرینک منفعت ویره به جکی کونک ورودینه انتظار ایدن شخص حدود الهی تجاوز ایده بیلیرمی؟ بنات دین و یا قطاع طریق کروه مکر و هندن اولان مقتولک نمازینی قیلمايان بر دین ایله متدین اولان آدم طنیان و اجرای شقاوتله الله ورسولیه محارب اوله رق نفسی آتیه آتارمی؟ «المسلم من سلم المسلمون من لسانه ویده» حدیث حکمت تحدیثی ایجابجه اسلامی خلقک کندی الذن و دینلندن قورتولسیله مشروط اولدینی بیان بر رجل اعضاسندن بولوندینی خاندان بشره اخانت ایده بیلیرمی؟

اگر انسانیتک الک بویوک مدار کالی محاسن اخلاق ایشه ذات مستجمع الکمالات رسالتیه بیلیرمی «انما انابشر مثکم یوحی الی» دیه جهانه تقدیم ایله سکا مکارم اخلاقی اتمام ایچون مبعوث اولمش و جناب حقک نیابت و خلافتی حقیقه اجرا ایله مش بر پیغمبر ذیشانک «قل ان

اوزره حكمت معيشت موافق بخش و تقسيم ايله ديكي نعم و آلاء الهيهيه متشكراً راضى و قانع اولوبده حكيم منيف قرآنه امتثالاً اكل و شربده قساعتى، تجارت و صنعتده صدق و استقامتى، مكپال و ميزانده حق و عدالتى، امورك كليسنده اقتصاده رعايتى التزام ايدن فقير اولورمى؟ اكر انسانيت وطنه محبت اقتضايدور ايسه رسول اكرم صلى الله عليه وسلم افنديمز «حب الوطن من الايمان» بويورمش، وطن محبتىده ايمانندن جزء قيلمش در. ديمك كه ايمان حب وطن ايله كال بولور. اويله يا! حب وطن سائقه سيله دكيدر كه هر حال و حر كتي كتاب وسنته مخالف، داها دوعروسى الله و رسوليله محارب اولان بر سلطان جارك يرينه بر نهيج شرع شريف احكام شرعيهيه انقيادى جملهيه فائق، مكارم اخلاقى تمام ايچون مبعوث اولان پيغمبرمرك نيابت و خلافتنه لايق بر سلطان نصير قائم اولدى. علم و حاليله بوتون عثمانليرك حسيات صادقّه تعظيمكارانه لرني جلب بويوردى «السلطان ظل الله في الارض ياوى ايله كل مظلوم» حديث عاليسى وصف شان معاليسى اولسون.

حب وطن سائقه سيله دكيدر كه سياستلى «انار بكم الاعلى» ديه جك مرتبه لره قدار واران مستبد بر حكمدارك افكار سخيغه سنه مامشات ايله ايلره قتال و فسالره ايلك ايدن، شمدى «نسوا الله فانسهم» طرديله سجين نسيانده وقف خسران اولان اركان استبدادك يرينه سياستلى بزي دارالسلام سعاده دعوت ايدن اللهمزك امر و فرمانى وجه ايله عدل و احسان قواعدينه مراعات ايله حقى اظهار و مظلومى استظهار ايدن بر هيئت و كلا تشكيل قيليندى. بهره دور معرفت و فضيلت اولانلر درجه استيالي رينه كوره ترفيه و تلطيف ايديلدى «هل يستوى الذين يعلمون والذى لا يعلمون» حكيمى ميدان آلدى. بو حالده وجود شريفى عالم لره رحمت اولمق اوزره ياراديش اولان او سرنامه كتاب تكوين، حبيب اديب رب العالمين «انا ولدت في ارض الملك العادل» ديه نوشيروان كبي عدل ايله معروف بر حكمدارك عهد سلطنتنده عالم ناسوتى تشريف بويورد قلرندن دولايي افتخار بويورور ايسه بز نصل اولورده خيره فطرتى تعظيم لامر الله و شفقت على خلق الله ايله تخمير اولونمش اولان سو كيلي پادشاهمرك عهد هايونلرينه ادراك ايتديكمز دن دولايي افتخار ايتمه يز؟

نه موطلو او پادشاهه كه «عدل ساعة خير من عبادة ستين سنة» حديث عاليسى پيشگاه تجيله آلوب اجراى عدالت ايدر. نه موطلو او پادشاهك وكلا و زراسنه كه پادشاهلى نك فرمان عدالتى حقيله يرينه كتيروب «المقظون عند الله على منابر من نور...» حديث شريفك ماصدقنه مظهر اولور.

حب وطن سائقه سيله دكيدر كه، اخوت و مخادنتلى يكديكر لرى ايچون بك قيمتدار اولان عنصر مختلفه بالامتزاج عروء و تقاى اتحاده صاريلدى. وحدت مايته تاسيس، عسكرلك تجمل ايتدى. اويله كه ملت آرق عسكرينك، اعدانك دخي مظهر شهادتى اولان فضائلى سايه سنده هروقت نشئه غالبيله شاد و خندان اولابيلير.

اوت! «فلا تخشوا الناس واخشوني» فرمان جلادتيه عروق شجاعى تحريك اولونمش بر عسكر الله دن باشقه كيمن قورقار؟ مخافة الله ايله مالى

و بر معالى اولان بر قلبه دشمن قورقوسى كيرمه يه محل بولابيليرمى؟ «ان ينصركم الله فلا غالب لكم» مژده غالبيتى ذاتاً آلمش اولان براردو نصرت الهيه سيله «يولوكم الادبار» حكيم منيف نك تجايسنه انتظاراً صف حربده بنيان مرصوص كبي صبر و ثبات ايدرده قارشيسنه چيقان دشمن يوزچو و رويده عاقبت «اين المفر!» نداى مايوسانه سيله عار فرارى ارتكاب ايتزمى؟

جنود محبده ملائكه ايله تقويه ايديش براردو دشمنك هر درلو لوازم حربيه سنك مكمليتنه رغماً اعلاى كلمه اللدن چكينيرمى؟ الله يولنده و ملتك سلامت و سعادتى اوغرنده فدائى جانك مكافى مشاهدۀ لقائى يزدان اولديغنه معتقد اولان بر عسكر وصول ملاء اعلا ايچون رتبه شهادتى احراز دجان آتمازمى، مشتاقنه قاووشمازمى؟ يانصرت و ياشهادت كبي ايكي حسنه نك برينه انتظار ايدن بر جنداللى، شانتى توقير ايچون كنديسنى ميت ديمكدن منع ايدن بر دين اوغرينه ترك كار و بار حيات ايدوبده حسيات جاودانى يه مظهر اولمق اشتياقنده بولونمازمى؟

ايستر غالب، ايستر مغلوب اولسون اجر عظيمه نائل اولاجغنى بيلن براردو كندى قتلنه و دشمنك كثرته باقوبده فريضة جهاددن اعراض ايدرمى؟

اكر بر اردونك مظفرتى اك زياده تايمين ايدده جك معنويات ايسه تعليم و تعلمى انحق كنديلرني دشمنك مرميسنه هدف ايتكدن عبارت اولان عثمانلى اردوسنك فوقنده بر اردو اولاماز. عثمانلى اردوسنك فضائل عسكريه سنى تتويج ايدن بر شرط وارد كه اوده:

«وان جنحو الاسلام فاجنح لها» آيت كريمه سنده تصريح بويور مشدر. دشمنلر من صاح و سلمه ميل ايدرلر سه بزده ايددرين شو كال كرمى ايله وقوع بولان حرب حاضر لقر من بر فكر تجاوز كارانه ايله اولمايوب محضا ادامۀ صالح و صلاح ايچون در.

كنديسى اوزرينه علويت تصور اولونما يه جق درجه ده علوى بروضع ربانى اولان دين اسلامى احاطه ايدمه ين عقل، عقلمى در؟ والسلام على من اتبع الهدى. مكتب بحريه معلملر دن بيكباشى

صالح احسان



اجتهاد مقاله لرينه دائر بيان الحق رساله محترمه سنه

كوندري لان تنقيده جواب: [*]

نه دينلير سه دينلسون شمدى و شمدى يه قدر علمامز حقنده

[*] فاضل ستوده شيم قرانلى حليم ثابت افندى برادر من؛ اجتهاده دائر اولان مقاله لرنده كي مقاصد خير خواهانه يه حقيله نفوذ ايديله مامش اولسندن طولايي حق لرنده روا كوريلان تعريضاتك هر فقره سنه بومقاله لرنده يكان يكان جواب و برييورلر. محترم بيان الحق رفيقمز جه دخي اشارت اولندينى وجهله شو صرا لرده بوزمينده مناقشه منافع معززة اسلاميه منزه موافق كوريله مديكندن مقاله نك بالكر مقصد محررى تبينه مدار اولان قسمنك درجيله بالا اكتفاء اقسام سائر كه نشرندن صرف نظر اولمشدر. محرر فاضله عرض اعتذار ايدر. صراط مستقيم